

## UNIVERSITÂT

# Dâts fûr 34 atestâts ai corsiscj

**A**SON 34 I CORSISCJ, dirigents e insegnants di scuelis mediis e superiôrs, giornalisj, libars professioniscj, ricercjadôrs e students universitaris, dipendents publics e di Rêt ferroviarie taliane, che a àn ricevût l'atestât di partecipazion ae cuinte edizion dai cors di lenghe furlane de Universitât dal Friûl.

Fra di lôr ancje un ricercjadôr universitari cravuat dal ateneu di Zagabrie e une studentesse rumene de Universitât di Iasi rivade al ateneu

udinês cul program Erasmus. In dut, i iscritti e partecipants a lis lezioni a jerin 83.

I atestâts di partecipazion ai cors a son stâts consegnâts vîners ai 11 di Lui, te sale dal Consei di palaç Florio. «La lenghe furlane – e à dite il retôr Cristiana Compagno – al è un imprest par cressi e par dâ un sens di identitât in cheste epoche di competizion globâl».

La direttore dal Centri interdipartimentâl di ricercje su la culture e la lenghe dal Friûl, Piera Rizzolatti, e à marcât che

«ancje chest an si conferme l'assum dal ateneu a pro dal furlan. La ufierte, articolade in plui nivei, si è distinte pe cualitât dai cors proponûts aes amministrazioni publichis e ai esternis. In particolâr, o vin notât cun sodisfazion la atenzion di putropis categoriis professionâls viers la nestre iniziative».

I cors a son a gratis, a durin 30 oris e a son destinâts soredut ai dipendents des amministrazioni publichis, ma a son dut cês vierts a ducj i interes-



Tablele fûr di palaç Florio a Udin.

sâts, tant che scoltadôrs. La iniziative e je stade inmaneade dal Cif in colaborazion cul Uffici formazion dal ateneu cui fonts de leç taliane 482/99 su la tutele des minorancis linguistichis.